

Jaiotza kopuruak % 3,9ko beherakada izan du 2023ko bigarren hiruhilekoan Euskal AEn

Jaiotzen ia % 50 ama ezkongabeenak izan dira

2023ko bigarren hiruhilekoan, 3.205 jaiotza izan dira Euskal Autonomia Erkidegoan, eta zifra hori aurreko urteko aldi berean erregistratutakoa baino % 3,9 txikiagoa da, Eustaten datuen arabera. Nolanahi ere, urtean metatutako beherakada % 4,6ra iritsi da. Lurraldeka, beherakadarik handiena Araban gertatu da (% 8,9). Bizkaian, % 3,6ko beherakada izan da, eta Gipuzkoan, berriz, % 1,5ekoa. Zifra absolutuetan, Bizkaian 1.577 haur jaio dira, Gipuzkoan 1.077 eta Araban 551.

2023ko apirilean, maiatzean eta ekainean, ezkontzaz kanpoko jaiotzak guztien % 49,6 izan dira, eta, beraz, ehuneko hori 2022ko hiruhileko berean erregistratutakoa baino txikiagoa izan da (% 50,4 2022an). Ehuneko hori % 52,9ra iritsi da Bizkaian (Euskal AEko batezbestekoa baino handiagoa), % 47ra Araban eta % 46,2ra Gipuzkoan.

Jaiotza-hurrenkeraren arabera, ia erdiak (1.509 haur) lehen semeak edo alabak izan dira 2023ko bigarren hiruhilekoan, baina 2022ko hiruhileko berean baino % 5,8 gutxiago izan dira. Beste 1.230 haur (% 38,4) beste seme edo alaba bat zegoen familietan jaio dira, eta hirugarren seme edo alaben edo hortik gorakoen jaiotzak, berriz, % 14,5 izan dira.

40 urtetik gorako amen ehunekoa % 10etik gorakoa izan da

Jaiotzak amaren adinaren arabera banatuta, 30-39 urteko amen taldea izan da nagusi berriz ere (jaiotza guztien % 68,2). Aurreko taldea baino askoz ehuneko txikiagoekin kokatu dira 25-29 urteko amen taldea (% 14,2) eta 25 urtetik beherakoena (% 6,8); 40 urtetik gorako amen taldean, berriz, haurren % 10,8 jaio dira.

Ama ezkongabeen amatasun-adina amen multzo osoarena baino txikiagoa izan da. Izan ere, ama ezkongabeen % 9,8k 25 urte baino gutxiago zituzten, eta % 17,3k, berriz, 25-29 urte. Nolanahi ere, 40 urtetik gorako ama ezkongabeen ehunekoa % 11,2ra iritsi da.

Gora egin du atzerriko nazionalitatea duten amen kopuruak

Euskal AEn, 2023ko udaberriko hilabeteetan izan diren jaiotzen % 32,1en kasuan, amak atzerriko nazionalitatea zuen. 2022ko aldi berean, ehuneko hori % 29,1era iritsi zen. Lurraldeka, Araban % 41,9 izan dira, Bizkaian % 31,3 eta Gipuzkoan, berriz, % 28,4.

Euskal AEn bizirik jaioak, amaren bizilekuaren lurralde historikoaren, sexuaren, adinaren, egoera zibilaren eta nazionalitatearen, hurrenkeraren eta jaiotza-hilabetearen arabera (1). 2023/II

	Oraingo hiruhilekoa (2023/II)		Aurreko hiruhilekoa (2023/I)			Aurreko urteko hiruhileko bera (2022/II)		
	KOP	%	KOP	%	Gehikuntza	KOP	%	Gehikuntza
Euskal AE	3.205	100,0	3.122	100,0	2,7	3.334	100,0	-3,9
Araba / Álava	551	17,2	491	15,7	12,2	605	18,1	-8,9
Bizkaia	1.577	49,2	1.581	50,6	-0,3	1.636	49,1	-3,6
Gipuzkoa	1.077	33,6	1.050	33,6	2,6	1.093	32,8	-1,5
Sexua								
Mutilak	1.627	50,8	1.590	50,9	2,3	1.734	52,0	-6,2
Neskak	1.578	49,2	1.532	49,1	3,0	1.600	48,0	-1,4
AMAREN ADINA								
= 24 urte	217	6,8	214	6,9	1,4	208	6,2	4,3
25 - 29 urte	456	14,2	410	13,1	11,2	448	13,4	1,8
30 - 34 urte	1.139	35,5	1.033	33,1	10,3	1.179	35,4	-3,4
35 - 39 urte	1.048	32,7	1.090	34,9	-3,9	1.122	33,7	-6,6
= 40 urte	345	10,8	375	12,0	-8,0	377	11,3	-8,5
Amaren egoera zibila								
Ezkontdua	1.614	50,4	1.536	49,2	5,1	1.655	49,6	-2,5
Ezkon gabea	1.591	49,6	1.586	50,8	0,3	1.679	50,4	-5,2
Amaren nazionalitatea								
Espainiarra	2.175	67,9	2.154	69,0	1,0	2.363	70,9	-8,0
Atzerrikoa	1.030	32,1	968	31,0	6,4	971	29,1	6,1
Jaiotza-ordena								
Lehenengoa	1.509	47,1	1.528	48,9	-1,2	1.602	48,1	-5,8
Bigarrena	1.230	38,4	1.182	37,9	4,1	1.265	37,9	-2,8
Hirugarrena edo gehiago	466	14,5	412	13,2	13,1	467	14,0	-0,2
Jaiotza-hilabetea								
Apirila	1.009	31,5				1.017	30,5	-0,8
Maiatza	1.091	34,0				1.148	34,4	-5,0
Ekaina	1.105	34,5				1.169	35,1	-5,5


(1) Hiruhileko honetako datuak behin-behinekoak dira. Aldaketak oraingo hiruhilekoaren aldean dira

Data 2023ko Azaroaren 13a

Iturria: Eustat. Jaiotzen Estatistika

Euskal AEn erregistratuta dauden eta Euskal AEn bizi den ama batengandik bizirik jaioak

Hilerokoa



Iturria: EUSTAT. Jaiotzen Estatistika

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián kalea, 1 01010 Vitoria-Gasteiz

Prentsa-zerbitzua: servicioprensa@eustat.es Tel.: 945 01 75 62